

# Jednaja wšědnje wo kubłanju

## Džensa wo serbskej rjadowni 1. lětnika w Radworju rozsudžeja

**Chróscicy** (SN/mb). Domowina, Serbske šulske towarstwo (SŠT) a serbscy šulscy nawodža su so pjatk w Chróscicach zetkali. W zdžělenca po terminje čitachmy: „W srjedźišću stejachu aktualne kubłanske prašenja a wužadanja šulskeho lěta 2024/2025. Po rozmołwje dojednachu so na dalše zetkanje za mjezsobnu wuměnu.“ Po našich informacijach běše to džěłowa rozmołwa, tema su předewšěm žadanja SŠT krajnej politice (Serbske Nowiny rozprawjachu) byli. Tohodla chcedža so najprjedy dowěrliwje mjez sobu wotłhosować. Problematiku 1. lětnika w Radworju su drje narěčeli, při tym pak njeje so ničo noweho jewiło.

„Hišće njeje so rozsud tworil“, praješe nam džensa nawodnica šule Angela Rynčowa. Rěčnik krajneho zarjada za šulu a kubłanje (LaSuB), Clemens Arndt, nam zdžěli, zo budu popołdnu LaSuB, kultusowe ministerstwo a nawodnica šule wo serbskej rjadowni rozsudžeć. Džens wječor so staršiske wječorki wotměja. Šulska

konferenca je před tydženjomaj žadanje wobkrućiła, zo ma so serbska rjadownja ze sydom šulerjemi a dalša rjadownja z 20 šulerjemi wutworić. LaSuB bě sej do kónca prózdnin njejpce žadał, zo měli serbsku rjadownju ze znajmjeńša pjeć šulerjemi němskeje rjadownje „napjelnić.“

Džensa so w Budyšinje wuradźowanje wodźaceje skupiny 2plus kultusoweho ministerstwa wotmě, w kotrejž su tež Serbja zastupjeni. „We wodźacej skupinje“, tak předsyda Domowiny Dawid Statnik w interviewje ze Serbskimi Nowinami (kompletny tekst čitaće w jutřišim wudaću) „smy sebi wužadali ewaluaciju a běžny monitoring rěčnych wukonow. Tute daty su wažne, za dopokaz, hač a komu přesadjenje koncepta słuži.“ W Radworju „by proste nałožowanje dotalnych prawidłow serbskej rěčnej substancy škodžalo“, tohodla dorozumichu so před třomi lětami starši wo wutworjenju eksPLICITnje serbskich rjadownjow.

Kubłanski wuběrk Serbskeho sejma je

nam stejišćo wo „spušćomnych ramikowych wuměnjach w serbskim šulstwje“ němsce sprostředkował. Po jich měnjenju je eksterny nošer rozsudow kaž kultusowe ministerstwo a LaSuB z kompleksnymi temami kaž 2plus přezadany. To móžeš jenož w Serbach samych rozrisać – tohodla sluša zamołwitosć za serbske kubłanje do serbskich rukow.

Jutře popołdnu kubłanskopolitiski marathon pokročuja: jednanje Domowiny a SŠT w kultusowym ministerstwje. A přichodny tydzień přeprašujetej Domowina a SŠT na fachowu konferencu 29. a 30. awgusta w klóštrje Marijina hwězda. Přěni dzeń je šula w fokusu, druhi dzeń pěstowarnja a hort. Wšo pod hesłom wudźeržliwego (naslědneho) wuwica.

Tomu so kónc tydženja wólby krajneho sejma přizamknu. Po aktualnym woprašowanju (hlej 2. stronu) docpěje dotalna koaliciona CDU, Zelenych a SPD 39 procentow, za AfD a BSW liča wšo dohromady 47 procentow. ► **Přilopk**